

**OORSIG**

Media24 se volwasse besigheids, bestaande uit koerante, tydskrifte, drukverspreiding en boekuitgewery, het winsgewendheid beduidend verbeter gedurende die oorsigtydperk, danksy streng kostebeheer. Terselfdertyd het sy digitalemedia- en e-handelbedrywigehede sterk inkomstegroei teenoor die vorige jaar aangeteken. Omset van R4,7mjd was egter 5% minder as die vorige jaar, hoofsaaklik weens verdere dalings in inkomste uit drukmedia-advertensies en -sirkulasie en 'n flutlose ekonomie. Ons het steeds in digitale media, aanlyn mode en e-handelslogistiek belê om die groep vir die toekoms te diversifiseer. Diestrukturele inkrimping van drukmedia tesame met die belegging in ons groei-besigheids het die handelsverlies met 18% tot R368m laat toeneem. Aanlyn gehore en gebruikersbetrokkenheid het sterk gegroei en verskeie inisiatiewe is van stapel gestuur om die gebruikerservaring met slim tegnologie te verbeter.

**BEDRYFSOORSIG**

**24.com**, tuiste van ons digitalemediahandelsmerke, het sy maandelikse bladlese met 9% tot 398m vermeerder, waarvan 85% afkomstig was van mobiele toestelle en apps. Met 15.4m maandelikse gebruikers het 24.com sy posisie as die plaaslike leier in digitale nuus verstewig met 'n gehoomarktaandeel van 45% onder die land se nuuswerwe. News24 Edge, die persoonlikte weergawe van News24, die sokkersamevoeger-app DailyKick en die Nigeriese nuusnamevoeger Bounce het bemoedigende groei in gebruikers en aktiewe installerings getoon. Teen einde Maart was Bounce die top-nuusapp in Nigerié en is dit meer as 'n miljoen keer afgelaai. Die finansiële nuuswerf Business Insider is in Februarie 2018 suksesvol bekendgestel. Media24 het 'n rekord 21 toekennings by die jaarlikse Bookmark-pryse vir digitale uitnemendheid gewen.

Ons het die waardeaanbod van ons Afrikaanse betaalmuurtel Netwerk24 wesenlik versterk deur die gedrukte en digitale inhoud van ons Afrikaanse tydskrifte te voeg by die inhoud wat deur ons nuusspanne landswyd gelewer word. Met die slagspreuk 'Alles op een plek' het Netwerk24 se intekenaar met 73% verhoog en hom ingegrawe as die grootste nuus- en leefstyl-betaalwerf in Suid-Afrika. Die digitale inhoud van ons Engelse tydskrifte is nou beskikbaar op ons vlagskip- Engelse digitale eiendom, News24, en sy inhoudskanale. Betrokkenheid het aansienlik gegroei; teen jaareinde het lesers gemiddeld 21 minute per dag op die Netwerk24-app en meer as 19 minute per dag op die News24-app bestee.

Ons **drukmedia**-afdeling het sterk resultate aangeteken, gerugsteun deur stewige kleinhandelbesteding aan koerantadvertensies en kostedoeltreffendhede wat winsgewendheid 'n hupstoot gegee het. Ons koerante en tydskrifte het hul markleierposisies ten opsigte van sirkulasie en advertensies gehandhaaf. Soccer Laduma, die land se grootste weekblad gemeet aan leserstal en verkoopte eksemplare, en Son het rekordwinste gelewer. Ons gee vyf van die land se toptienkoerante en ses van die toptien tydskrifte, gemeet aan sirkulasie, uit. Die sindikasiefiliaal Gallo Images het sterk groei in Oos-Europa behaal en 'n rekordwinst aangeteken.

Die Afrikaanse leefstyl- en vermaaktelevisiekanaal **VIA** het sy daaglikse kykertaal met 70% verhoog en verskeie pryse vir sy programme gewen.

Ons **boekuitgewers** het 'n uitstekende jaar gehad; Jacques Pauw se The President's Keepers (uitgegee deur Tafelberg) was een van die winnigs verkopende titels in die geskiedenis van die Suid-Afrikaanse boekbedryf. Jonathan Ball Publishers se plaaslike uitgewerslys het ook toverkopers ingesluit soos Enemy of the People deur die Media24-redakteurs Adriaan Basson en Pieter du Toit, en Redi Tihabi se Khwezi. NB-Uitgewers en Jonathan Ball Publishers het hul posisies as onderskeidelik die grootste plaaslike handelsuitgewer en handelsagentskap gehandhaaf. Die akademiese uitgewer Van Schaik en die skoolboekuitgewer Via Afrika het ook hul winsgewendheid verhoog, gerugsteun deur stewige handboekbestellings.

Die aanlyn modewinkel **Spree** het kopers met 28% en bestellings met 49% vermeerder teenoor verlede jaar. Beeldsoekfunksionaliteit is op die Spree-app bekendgestel waarmee gebruikers foto's kan oplaai en soortgelyke items op die app kan besigtig – 'n eerste vir e-mode in Afrika. **Kontraklogistiek**, Suid-Afrika se grootste e-vernulningsmaatskapy wat Spree deel van groot kleinhandelaars wat aanlyn sake doen bedien, het stewige omsetgroei behaal. Sy vertoning is egter geraak deur pakhuisonwrigtings by die verspreidingsentrum in Johannesburg. Die aanlyn werwingsportaal **Careers24** het sy produkaanbod aansienlik opgeskerp en beduidende vordering gemaak met sy waardeaanbod aan kliënte.

**DIREKSIE**

Soos voorheen gerapporteer, het Cindy Hess, finansiële hoof van die Media24-groep en direkteur verantwoordelik vir die finansiële funksie, op 31 Oktober 2017 uit diens getree. Die Media24-direksie bedank Cindy vir haar waardevolle bydrae en wens haar voorspoed toe met haar toekomstplanne. Abduragham (Manie) Mayman, voormalige groep- finansiële hoof en huidige nie-uitvoerende direkteur van Media24, is vanaf 1 November 2017 as waarnemende groep- finansiële hoof aangestel.

**FINANSIËLE OORSIG**

Met ingang van 25 September 2017 het Media24 sy belegging in Novus Holdings (Novus) van 66.5% tot 19% verminder via 'n ontbondeling aan Naspers-aandelhouders. Dit is gedoen om te voldoen aan die Mededingingstribunaal se voorwaarde vir goedkeuring van 'n samesmelting van die twee maatskappye. Sedert 31 Maart 2018 word die oorlywende 19%-belegging in Novus gedra as 'n beskikbaar-vir-verkoop-belegging en word Novus se resultate nie meer op 'n item-vir-item-grondslag gekonsolideer nie. Novus se resultate vir die ses maande geëindig 30 September 2017, asook die verlies wat met die ontbondeling gely is, word dus weergegee as beëindigde bedrywigehede, onder bedryfswins, met vergelykbare syfers dienoreenkomstig heraangegee.

Media24 (Novus uitgesluit) het bevredigende resultate aangeteken; die verwagte daling in tradisionele inkomstebronne is teengewerk deur wesenlike kostebesparings.

Die groeiportefeulje van digitale besigheids het sy omset gedurende die tydperk met 23% verhoog, grootliks danksy Spree (+53%) en digitale media (+12%). Dit het 15% van Media24 se totale omset bygedra. Hierdie besigheids het steeds belê om skaal uit te brei en 'n gelykbreekpunt te bereik, wat 'n hoër netto bedryfsverlies vir die groeiportefeulje tot gevolg gehad het. Aanlyn reis, die televisiekanaal VIA en HuffPost SA het ook tot nuwe omset bygedra. Dit is vlyblydend dat die handelswinst van die volwasse besigheids, wat drukmedia en boekuitgewery sowel as verspreiding insluit, met 62% teenoor die vorige jaar verbeter het. Drukmedia se advertensie- en sirkulasie-inkomste het met 8% en 10% onderskeidelik gedaal, wat ooreenstem met bedryfstendense. Die inkomste uit boekuitgewery was basies dieselfde, maar winsgewendheid het meer as verdubbel.

Vrye kontantvloei was beduidend beter as die vorige jaar as gevolg van groter winsgewendheid, verlaagde kapitaalbesteding en opbrengste uit die verkoop van bates, maar is deels verwater deur hoër netto bedryfskapitaal en marginaal hoër belasting wat betaal is.

Weens die Mededingingstribunaal se samesmeltingsvoorwaarde het Media24 herkapitalisasie benodig vir die ontbondeling van sy belegging in Novus. Media24 het dus 70 B- gewone aandele ten bedrae van R1,4mjd aan Naspers uitgereik. Die betrokke Novus-aandele is aan B- gewone aandeelhouders uitgekeer as 'n in specie-dividend. 'n Spesiale kontantdividend van R216m is aan Welkom Yzani verklar. Dit het 'n spesiale kontantdividend van R14,79 per aandeel aan Welkom Yzani-aandelhouders tot gevolg gehad, wat verteenwoordigend was van hul proporsionele aandeel in die ontbondelingswaarde. Naspers het afstand gedoen van sy reg om in hierdie spesiale kontantdividend te deel.

Media24 het nou 'n goed gekapitaliseerde balansstaat om sy digitale en e-handelstrategie uit te voer; R1,4mjd se kontant en ander beleggings is beskikbaar om ons diversifiseringsstrategieë in die asienbare toekoms te finansier.

**DIVIDEND**

Die direksie beveel aan dat, onderhewig aan goedkeuring deur aandeelhouders by die algemene jaarvergadering op 28 Augustus 2018, 'n dividend van R42m (2017: R42m) verklar en aan aandeelhouders betaal word.

**WELKOM YIZANI**

Welkom Yizani, wat in 2006 gestig is as Media24 se skema vir breedgebaseerde swart ekonomiese bemagtiging, het in Desember 2013 begin om sy aandele te verhandel. Welkom Yizani-aandelhouders trek sedert 2017 onmiddellike finansiële voordeel uit hul aandele nadat Naspers Beperk, die voorkeuraandeelhouer in Welkom Yizani, verdere voorkeuraandeelskuld en opgekoopte rente ten bedrae van R51.6m wat Welkom Yizani aan hom verskuldig was, kwytgeskeld het. In 2016 het Naspers Beperk altesaam R434m kwytgeskeld.

Die Registrateur van Sekuriteitedienste (die Registrateur) het aangedui dat alle tradisionele toonbankverhandelingsplatforms soos Welkom Yizani hul sake in ooreenstemming met die Wet op Finansiële Markte van 2012 (FM-wet) moet bring. Welkom Yizani is deurloopend in gesprek met die Raad op Finansiële Dienste (nou die FSCA) om aan die FM-wet te voldoen. As deel van hierdie proses het MultiChoice en Media24 verskeie opsies ondersoek, wat insluit die stigting van die maatskappy, Yizani Phuthuma Nathi (YPN), wat aansoek gedoen het om 'n beurssinsensie vir die verhandeling van aandele wat deur maatskappye binne die Naspers-groep uitgereik is vir breedgebaseerde swart ekonomiese bemagtiging. Gedurende hierdie proses word voortgegaan met die verhandeling van Welkom Yizani-aandele op die huidige verhandelingsplatform.

Welkom Yizani bou voort op sy positiewe skakeling met die Registrateur en bly verbind tot die nakoming van enige aanwysings en/of voorwaardes wat deur die Registrateur uitgereik word. Dit is vrygestel van voldoening aan die FM-wet vir 'n tydperk van ses maande ná die Registrateur se besluit om 'n beurssinsensie aan YPN toe te ken al dan nie. Op 31 Maart 2018 het Welkom Yizani 89 166 aandeelhouders gehad.

Welkom Yizani se algemene jaarvergadering word op 28 Augustus 2018 gehou. Sy direksie beveel aan dat 'n gewone dividend van R6,2m (2017: R6,2m) aan gewone aandeelhouders verklar word. Dit sal 'n dividend van 42,5 sent per gewone aandeel (2017: 42,5 sent per gewone aandeel), voor dividendbelasting, wees. Na aftrekking van dividendbelasting sal Welkom Yizani gewone aandeelhouders 'n netto dividend van 34 sent per gewone aandeel (2017: 34 sent per gewone aandeel) ontvang. Die verklaring van die dividend is onderhewig aan goedkeuring deur aandeelhouders by die algemene jaarvergaderings.

**AANBIEDINGSGRONDSLAG**

Die opgesomde gekonsolideerde jaarresultate word opgestel ooreenkomstig die vereistes van die Maatskappywet soos van toepassing op opgesomde finansiële state. Die opgesomde gekonsolideerde jaarresultate is opgestel ooreenkomstig die raamwerkbegrippe, en metings- en erkenningsvereistes van die Internasionale Finansiële Verslagdoeningstandaarde (IFRS). Die opgesomde gekonsolideerde finansiële state moet saam met die volledige geouditeerde gekonsolideerde finansiële jaarstate gelees word. Hierdie rekeningkundige beleide is konsekwent toegepas vir al die jare wat weergegee word, tensy anders vermeld.

Handelsverlies sluit amortisasie van ontasbare bates (behalwe sagteware), ander winste of verliese en ekwiteitsvereffende aandeelgebaseerde vergoedingskoste uit. Kernwesensverlies sluit eenmalige en nie-bedryfsitems uit. Na ons mening is dit 'n nuttige maatstaf vir die groep se volhoubare bedryfsprestasie. Dit is egter nie 'n omskrewe term ingevolge IFRS nie en is nie noodwendig vergelykbaar met gelyknamige maatstawwe wat deur ander maatskappye in verslagdoening gebruik word nie.

Die finansiële resultate is opgestel onder toesig van Abduragham (Manie) Mayman GR(SA), waarnemende groep- finansiële hoof van die Media24 Beherend-groep.

Die volledige finansiële jaarstate is beskikbaar op Media24 se webwerf by **www.media24.com**.

**VERSLAG VAN DIE ONAFHANKLIKE OUDITEUR**

Hierdie aankondiging van jaarresultate is 'n uittreksel van die geouditeerde inligting, maar is nie opsigselfstaande geoudit nie. Die gekonsolideerde finansiële jaarstate is deur PricewaterhouseCoopers Geïnk., wat 'n ongekwalifiseerde mening daaroor uitgespreek het, geoudit. Hierdie ongekwalifiseerde ouditmening is op aanvraag by die maatskappy se geregistreerde hoofkantoor gedurende gewone kantoorure beskikbaar (kontak: Manie Mayman). Enige verwysing na toekomstige finansiële prestasie in hierdie aankondiging is nie deur PricewaterhouseCoopers Geïnk. nagegaan nie en hy het nie daarop verslag gedoen nie.

Namens die direksie

**Rachel Jaffa** **Esmaré Weideman**  
*Voorsitter* *Uitvoerende hoof*  
Kaaipstad  
15 Junie 2018

**OPGESOMDE GEKONSOLIDEERDE INKOMSTESTAAT**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
<b>Voortgesette bedrywigehede</b>		
<b>Omset</b>	<b>4 686</b>	4 933
Koste om dienste te lewer en goedere te verkoop	<b>(3 510)</b>	(3 803)
Verkoops-, algemene en administratiewe uitgawes	<b>(1 566)</b>	(1 459)
Ander winste/(verliese)	<b>17</b>	(27)
<b>Bedryfsverlies</b>	<b>(373)</b>	(356)
Rente ontvang	<b>68</b>	13
Rente betaal	<b>(8)</b>	(10)
Ander netto finansieringskoste	<b>(8)</b>	(6)
Belang in ekwiteitsverantwoorde resultate van geassosieerde maatskappye	<b>(2)</b>	(2)
Belang in ekwiteitsverantwoorde resultate van gesamentlike ondernemings	<b>19</b>	23
Winst met verkoop van beleggings	<b>10</b>	19
<b>Verlies voor belasting</b>	<b>(294)</b>	(319)
Belasting	<b>(35)</b>	(26)
<b>Verlies uit voortgesette bedrywigehede</b>	<b>(329)</b>	(345)
(Verlies)/winst uit beëindigde bedrywigehede	<b>(36)</b>	257
<b>Verlies vir die tydperk</b>	<b>(365)</b>	(88)
<b>Toeskryfbaar aan:</b>		
Aandelhouders van die groep	<b>(500)</b>	(196)
Nie-beherende belang	<b>135</b>	108
	<b>(365)</b>	(88)
<b>Voortgesette bedrywigehede</b>		
Kernwesensverlies vir die jaar	<b>(353)</b>	(351)
Wesensverlies vir die jaar	<b>(381)</b>	(347)

**REKONSILIASIE VAN BEDRYFSVERLIES NA HANDELSVERLIES**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
<b>Voortgesette bedrywigehede</b>		
<b>Bedryfsverlies</b>	<b>(373)</b>	(356)
Amortisasie van ontasbare bates	<b>3</b>	4
Ekwiteitsvereffende aandeelgebaseerde betalingskoste	<b>19</b>	12
Ander (winste)/verliese	<b>(17)</b>	27
<b>Handelsverlies</b>	<b>(368)</b>	(313)

**Direkteure**  
R C C Jaffa (voorsitter), E Weideman, G M Landman, S S de Swardt, D Meyer, H S S Willemsse, J C Held, A Mayman, J P Bekker, T D Petersen

**Groepmaatskappysekretaris**  
L J Klink

**OPGESOMDE GEKONSOLIDEERDE STAAT VAN OMVATTENDE INKOMSTE**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
<b>Verlies vir die jaar</b>	<b>(365)</b>	(88)
<b>Totale ander omvattende (verlies)/inkomste, ná belasting, vir die jaar</b>	<b>(214)</b>	2
Kontantvloei	<b>24</b>	–
Aktuariële hermetingsreserwe	<b>(42)</b>	5
Billikewaarde-reserwe	<b>(177)</b>	–
Beweging in ander reserwes	<b>(12)</b>	(3)
Belasting op ander omvattende inkomste	<b>(7)</b>	–
<b>Totale omvattende verlies vir die jaar</b>	<b>(579)</b>	(86)
<b>Toeskryfbaar aan:</b>		
Aandelhouders van die groep	<b>(720)</b>	(194)
– Voortgesette bedrywigehede	<b>(583)</b>	(364)
– Beëindigde bedrywigehede	<b>(137)</b>	170
Nie-beherende belang	<b>141</b>	108
<b>Totale omvattende verlies vir die jaar</b>	<b>(579)</b>	(86)

**OPGESOMDE GEKONSOLIDEERDE STAAT VAN VERANDERING IN EKWITEIT**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
<b>Saldo aan die begin van die jaar</b>	<b>2 951</b>	3 191
<b>Totale omvattende verlies vir die jaar</b>	<b>(720)</b>	(194)
<b>Veranderings in ander reserwes</b>	<b>199</b>	(76)
Beweging in aandeelgebaseerde vergoedingsreserwe	<b>(43)</b>	(41)
Beweging in ander reserwes	<b>86</b>	(37)
Beweging in behoue verdienste	<b>(9)</b>	41
Dividende aan aandeelhouders betaal	<b>(1 275)</b>	(39)
Inskrywing op B- gewone aandele	<b>1 440</b>	–
<b>Veranderings in nie-beherende belang</b>	<b>(1 273)</b>	30
Totale omvattende inkomste vir die jaar	<b>141</b>	108
Dividende aan minderhede betaal	<b>(117)</b>	(88)
Beweging in nie-beherende belang in reserwes	<b>–</b>	10
Novus-ontbondeling	<b>(1 297)</b>	–
<b>Saldo aan die einde van die jaar</b>	<b>1 157</b>	2 951
<b>Bestaande uit:</b>		
Aandekapitaal en -premie	<b>4 867</b>	4 867
Behoue verdienste	<b>(2 536)</b>	(753)
Aandeelebaseerde vergoedingsreserwe	<b>12</b>	56
Bestaandebeheer-besigheidsamevoegingsreserwe	<b>(3 527)</b>	(3 621)
Kapitaalbydrae	<b>2 517</b>	1 077
Verskansingsreserwe	<b>–</b>	(3)
Aktuariële hermetingsreserwe	<b>(59)</b>	(17)
Billikewaarde-reserwe	<b>(177)</b>	–
Valutaomrekeningsreserwe	<b>9</b>	20
Nie-beherende belang	<b>51</b>	1 325
<b>Totaal</b>	<b>1 157</b>	2 951

**OPGESOMDE GEKONSOLIDEERDE STAAT VAN FINANSIËLE POSISIE**

	<b>Soos op 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
<b>BATES</b>		
Nie-bedryfsbates	<b>958</b>	742
Bedryfsbates	<b>2 442</b>	1 356
Bates geklassifiseer as gehou vir verkoop	<b>–</b>	3 541
<b>Totale bates</b>	<b>3 400</b>	5 639
<b>EKWITEIT EN VERPLIGTINGE</b>		
Kapitaal en reserwes	<b>1 157</b>	2 951
Nie-bedryfslaste	<b>403</b>	223
Bedryfslaste	<b>1 840</b>	1 746
Laste geklassifiseer as gehou vir verkoop	<b>–</b>	719
<b>Totale ekwiteit en verpligtinge</b>	<b>3 400</b>	5 639

**OPGESOMDE GEKONSOLIDEERDE STAAT VAN KONTANTVLOEI**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
Kontantvloei (aangewend in)/gegeneer uit bedryfsaktiwiteite	<b>(163)</b>	324
Kontantvloei aangewend in beleggingsaktiwiteite	<b>(52)</b>	(118)
Kontantvloei aangewend in finansieringsaktiwiteite	<b>(113)</b>	(279)
<b>Netto beweging in kontant en kontantekwivalente</b>	<b>(328)</b>	(73)
Valutaomrekeningsaanpassings	<b>–</b>	(1)
Kontant en kontantekwivalente aan die begin van die jaar	<b>218</b>	519
Beweging in kontant weens beëindigde bedrywigehede	<b>409</b>	(227)
<b>Kontant en kontantekwivalente aan die einde van die jaar</b>	<b>299</b>	218

**VERPLIGTINGE EN VOORWAARDELIKE AANSPREKLIKHEDE**

	<b>Jaar geëindig 31 Maart</b>	
	<b>2018</b>	2017
	<b>Geouditeer</b>	Geouditeer
	<b>R'm</b>	R'm
Kapitaalbesteding	<b>4</b>	49
Verfhuurverpligtinge	<b>195</b>	209
<b>Verpligtinge</b>	<b>199</b>	258

**FINANSIËLE INSTRUMENTE**

	<b>Billikewaarde-metings op 31 Maart 2018 gegrond op:</b>		
	<b>Gekwoteerde pryse in aktiewe markte vir identiese bates of laste (vlak 1)</b>	<b>Beduidende ander waarneembare insette (vlak 2)</b>	<b>Beduidende onwaarneembare insette (vlak 3)</b>
	<b>R'm</b>	<b>R'm</b>	<b>R'm</b>
Die billike waarde van die groep se finansiële instrumente wat teen billike waarde vir elke verslagtydperk gemeet word, word soos volg gekategoriseer:			
<b>Bates</b>			
Beskikbaar-vir-verkoop-beleggings	<b>278</b>	–	–
<b>Laste</b>			
Valutakontrakte	<b>–</b>	<b>7</b>	–
Toekomstige voorwaardelike betalings	<b>–</b>	<b>–</b>	<b>27</b>
		<b>Billikewaarde-metings op 31 Maart 2017 gegrond op:</b>	
<b>Bates</b>			
Beskikbaar-vir-verkoop-beleggings	<b>–</b>	<b>3</b>	<b>4</b>
Valutakontrakte	<b>–</b>	<b>2</b>	<b>–</b>
<b>Laste</b>			
Valutakontrakte	<b>–</b>	<b>19</b>	<b>–</b>

**BEREKENING VAN WESENS- EN KERNWESENSVERLIES**